



JAVNA USTANOVA  
**DOM ZDRAVLJA**  
ZAVIDOVIĆI

Gazi Husrev-begova 25

tel. (032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

---

---

## UPRAVNI ODBOR

Broj:01-2.16-3389/20

Datum:26.10.2020. godine

Upravni odbor JU „Dom zdravlja“ Zavidovići na osnovu člana 38. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14), na svojoj 1. sjednici održanoj dana 26.10.2020. godine, donosi

### ODLUKU

o izboru najpovoljnijeg ponuđača  
za nabavku usluga osiguranja vozila JU „Dom zdravlja“ Zavidovići (automobilska  
odgovornost)

#### Član 1.

Ugovor o nabavci usluga osiguranja vozila JU „Dom zdravlja“ Zavidovići (automobilska odgovornost) za period od 12 mjeseci, dodjeljuje se ponuđaču **Sarajevo osiguranje d.d. Sarajevo.**

#### Član 2.

Ponuda ponuđača Sarajevo osiguranje d.d. Sarajevo, u provedenom konkurentskom zahtjevu za dostavu ponuda, bila je prihvatljiva ponuda i imala je najnižu cijenu, te će se ovom ponuđaču ponuditi Ugovor o nabavci usluga osiguranja vozila JU „Dom zdravlja“ Zavidovići (automobilska odgovornost) za period od 12 mjeseca, u ukupnom iznosu od **7.405,70 KM** bez PDV-a.

#### Član 3.

Ponuda ponuđača Brčko-gas osiguranje d.d-Podružnica Tuzla odbacuje se kao neprihvatljiva shodno članu 68. stav 1. i stav 4. tačka i) Zakona o javnim nabavkama, jer je ponuđač dostavio nepotpune dokaze, te ponuda nije potpuna i ne ispunjava zahtjeve iz tenderske dokumentacije.

#### Član 4.

Ponuda ponuđača Adriatic osiguranje d.d. podružnica Zenica, odbacuje se kao neprihvatljiva shodno 68. stav 4. alineja i). jer ne ispunjava zahtjeve iz tenderske dokumentacije.

#### Član 5.

Izabrani ponuđač ne mora dostaviti original ili ovjerene fotokopije sljedeće kvalifikacione dokumentacije:

a) Uvjerenje/potvrda Suda BiH i suda prema sjedištu pravnog lica (kumulativno oba uvjerenja/potvrde), kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca.

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti.

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

e) Rješenje o registraciji ili aktuelni izvod iz sudskog registra

f) Potvrdu ili uvjerenje Agencije za nadzor osiguranja Federacije BiH ili Agencije za osiguranje Republike Srpske da ponuđač ima važeće odobrenje za rad.

#### Član 6.

Izabrani ponuđač ne mora dostaviti original ili ovjerene fotokopije dokumentacije iz člana 5. ove Odluke iz razloga jer je u ponudi dostavio ovjerene fotokopije sljedećih dokumenata:

a) Uvjerenje Suda Bosne i Hercegovine od 01.10.2020. godine da pravnom licu nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca u smislu člana 45. stav 2. tačka a) Zakona o javnim nabavkama -ovjerena fotokopija 07.10.2020. godine

b) Uvjerenje Općinskog suda u Sarajevu od 24.09.2020. godine da ponuđač nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti člana 45. stav 2. tačka b) Zakona o javnim nabavkama -ovjerena fotokopija 29.09.2020. godine

c) Uvjerenje Općinskog suda u Sarajevu od 24.09.2020. godine da ponuđaču nije izrečena pravosnažna osuđujuća presuda za krivično djelo učešća u kriminalnoj organizaciji, korupciju prevaru ili pranje novca u smislu člana 45. stav 2. tačka a) Zakona o javnim nabavkama -ovjerena fotokopija 29.09.2020. godine

d) Uvjerenje Porezne uprave Federacije -Porezna ispostava Centar od 25.09.2019. godine da ponuđač nema duga po osnovu javnih prihoda, da nema duga po osnovu direktnih poreza, doprinosa za PIO/MIO, doprinosa za zdravstveno i osiguranje od nezaposlenosti) - ovjerena fotokopija 07.10.2020. godine

- e) Uvjerenje Uprave za indirektno oporezivanje od 28.09.2020. godine da ponudač nema dospjelih, a neizmirenih obaveza po osnovu indirektnih poreza- ovjerena fotokopija 07.10.2020. godine
- f) Aktuelni izvod iz sudskog registra, od 30.09.2020. godine – ovjerena fotokopija 07.10.2020. godine.
- g) Rješenje Agencije za nadzor osiguranja Federacije BiH br.1.0.-021-790-1/07 od 27.08.2007. godine da ponudač obavlja poslove neživotnog osiguranja- ovjerena fotokopija 22.09.2020. godine i
- h) Uvjerenje Agencije za nadzor osiguranja Federacije BiH br.01-06.2-059-2133/20 od 24.07.2020. godine da je rješenje br. 1.0.-021-790-1/07 od 27.08.2007. godine, važeće i da nije pokrenut postupak oduzimanja odobrenja za rad- ovjerena fotokopija od 07.10.2020. godine.

Dokumenti navedeni u stavu 1. ovog člana evidentirani su u Zapisniku o pregledu i ocjeni ponuda, broj: 01-2.13-3283/20 od 15.10.2020. godine, a u Tenderskoj dokumentaciji, broj: 01-2.12-3115/20 od 01.10.2020. godine u tački 2.USLOVI ZA KVALIFIKACIJU I POTREBNI DOKAZI, podtačka 2.2. propisano je da ponudač može u ponudi dostaviti ovjerenu fotokopiju dokumentacije iz podtački 2.1. i 2.2. ove tenderske dokumentacije, te u slučaju da bude odabran kao najpovoljniji ponudač ne mora ponovo dostavljati ovjerenu fotokopiju dokumentacije.

## **Član 7.**

Ova odluka stupa na snagu danom donošenja.

### ***Obrazloženje***

Obavještenjem o nabavci br. 638-7-2-340-3-39/20 koje je objavljeno na portalu javnih nabavki dana 01.10.2020. godine, pokrenut je konkurentski zahtjev za dostavu ponuda za nabavku usluga osiguranja vozila JU „Dom zdravlja“ Zavidovići (automobilska odgovornost) sa osiguranjem vozača i putnika od posljedica nesretnog slučaja i kasko osiguranjem toma stakla za period od 12 mjeseci.

Poziv za preuzimanje tenderske dokumentacije sa portala javnih nabavki, odmah po objavljivanju obavještenja o nabavci na portalu javnih nabavki, upućen je istovremeno trojici ponuđača i to: Brčko gas osiguranje d.d. Brčko, Triglav osiguranje d.d. Podružnica Zenica i Sarajevo osiguranje d.d. Sarajevo Podružnica Zenica.

Tendersku dokumentaciju za predmetnu nabavku sa portala javnih nabavki preuzelo je 14 ponuđača i to: EKAPIJA DOO, BBS EUROPE, EUROHERC OSIGURANJE DD, ASA OSIGURANJE D.D. SARAJEVO, ADRIATIC OSIGURANJE D.D. PODRUŽNICA ZENICA, DD OSIGURANJE CAMELIJA BIHAĆ, SARAJEVO OSIGURANJE D.D., OSIGURANJE AURA A.D. BANJA LUKA, GRAWE OSIGURANJE D.D. SARAJEVO, GOBOOK DOO, UNIQA OSIGURANJE D.D. SARAJEVO, WIENER OSIGURANJE VIG AD, BRČKO GAS OSIGURANJE D.D. -PODRUŽNICA TUZLA i CROATIA OSIGURANJE D.D.

Na adresu JU "Dom zdravlja" Zavidovići dostavljene su 3 ponude i to: Brčko gas osiguranje d.d. Brčko-Podružnica Tuzla, Adriatic osiguranje d.d.-Podružnica Zenica i Sarajevo osiguranje d.d. Sarajevo.

Komisija za javne nabavke (u daljem tekstu: Komisija) je izvršila otvaranje ponuda dana 12.10.2020. godine u Sali za sastanke u JU «Dom zdravlja» Zavidovići u 09.15 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da jedna ponuda odgovara uslovima iz tenderske dokumentacije, odnosno da je prihvatljiva ponuda, a da dvije ponude nisu prihvatljive.

Neprihvatljivim su ocijenjene ponude ponuđača Brčko-gas osiguranje d.d.-Podružnica Tuzla i Adriatic osiguranje d.d. podružnica Zenica.

Ponuda ponuđača Brčko-gas osiguranje d.d.-Podružnica Tuzla neprihvatljiva je iz slijedećih razloga:

Tačkom 4. PRIPREMA PONUDA, podtačka 4.3., Tenderske dokumentacije propisano je:

"4.3. Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. (Pod čvrstim uvezom se podrazumjeva da ponude moraju biti uvezane/ukoričene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i uz to osigurana jemstvenikom čija su oba kraja na prvoj ili posljednjoj stranici pričvršćena utisnutim žigom ili naljepnicom ovjerenom pečatom dobavljača a u svrhu izbjegavanja manipulisanja stranicama ponude) Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude."

Članom 8. (Priprema ponude) stav 2. Uputstva za pripremu modela tenderske dokumentacije i ponuda („Službeni glasnik BiH", broj: 90/14). propisano je da se ponuda čvrsto uvezuje na način da se onemogućí naknadno vađenje ili umetanje listova.

Dostavljena ponuda ponuđača Brčko-gas osiguranje d.d.-Podružnica Tuzla pričvršćena je naljepnicom sa potpisom ponuđača, **bez pečata ponuđača**, te stoga ista **nije uvezana na način kako je propisano Tenderskom dokumentacijom**.

Slijedom naprijed navedenog, **ocijenjeno je da ponudu valja odbaciti jer ne ispunjava zahtjeve iz tenderske dokumentacije**.

Osim navedenog, utvrđeno je da ponuda koja je dostavljena na prethodno opisani način, nije potpuna, iz razloga koji slijede.

U tački „2.USLOVI ZA KVALIFIKACIJU I POTREBNI DOKAZI", podtačka 2.2., pod b), Tenderske dokumentacije, propisano je da je ponuđač dužan u svrhu dokazivanja sposobnosti obavljanja profesionalne djelatnosti (član 46. ZJN) dokazati da: "b) ima važeće odobrenje za rad izdano od strane Agencije za nadzor osiguranja Federacije BiH ili Agencije za osiguranje Republike Srpske".

Kao dokaz kojim se dokazuje navedeno, propisano je:

"b) Potvrda ili uvjerenje Agencije za nadzor osiguranja Federacije BiH ili Agencije za osiguranje Republike Srpske da ponuđač ima važeće odobrenje za rad.- fotokopija".

Ponudač je u svojoj ponudi, na strani 18., dostavio Rješenje Agencije za nadzor osiguranja Federacije BiH br.1.0.-059-309-1/09 od 12.03.2009. godine da ponudač obavlja poslove neživotnog osiguranja-fotokopija.

U tački „2.USLOVI ZA KVALIFIKACIJU I POTREBNI DOKAZI“, podtačka 2.2.. Tenderske dokumentacije, naznačeno je: “U slučaju da se u ponudi ne dostavi navedena dokumentacija iz podtački 2.1. i 2.2. ove tenderske dokumentacije ili se ne dostavi na način kako je to traženo ponudač će biti isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.”

Obzirom da ponudač predmetni dokaz nije dostavio u formi potvrde ili uvjerenja iz koje se može utvrditi da ponudač ima važeće odobrenje za rad, kako je traženo Tenderskom dokumentacijom, isti je isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.

Nadalje, u tački „12. POTPISIVANJE/ZAKLJUČENJE UGOVORA“ Tenderske dokumentacije, propisano je: „Ponudači su obavezni potpisati i popuniti Naert ugovora o nabavci koji se nalazi u prilogu ove tenderske dokumentacije kao Prilog V.”

U samom „Prilogu V - NACRT UGOVORA O NABAVCI“, istaknuta je naznaka da ponudači popunjavaju podatke sa kojima raspolažu u momentu pripreme ponude.

Shodno iznesenom, utvrđeno je da se ponudač prilikom popunjavanja Priloga V - Naert ugovora o nabavci, nije pridržavao zahtjeva i uslova iz Tenderske dokumentacije.

Dostavljeni Naert ugovora o nabavci potpisan je od strane ponudača, ali isti nije popunjen po svim stavkama, odnosno nije popunjena tabela u članu 3. nacrta ugovora o nabavci, kao niti rubrika za upisivanje roka za isplatu štete u članu 7. Nacrta ugovora o nabavci, te se stoga tako dostavljen Naert ugovora o nabavci ne može prihvatiti kao valjano popunjen dokument.

Pored navedenog, Komisija za javne nabavke je uočila da dostavljeni Obrazac za ponudu – aneks 2, na strani 4, dostavljene ponude, nije popunjen po svim stavkama, tj. nisu popunjene rubrike u tabeli predviđene za upisivanje naziva ponudača, adrese ponudača i ID broja ponudača, kao ni naziv i adresa ugovornog organa. Naime, na mjestu predviđenom za upisivanje naziva i adrese ugovornog organa, ponudač je upisao podatke o ponudaču, a tabelu predviđenu za upisivanje naziva ponudača, adrese ponudača i ID broja ponudača, ponudač je ostavio nepopunjenu, te je istu dodatno i precrtao.

Članom 57. (Priprema ponude) stav 1. Zakona o javnim nabavkama (“Službeni glasnik BiH”, broj 39/14), propisano je:

„(1) U postupku javne nabavke kandidat/ponudač pridržava se zahtjeva i uslova iz tenderske dokumentacije.”

Imajući u vidu navedeno, utvrđeno je da ponudač Brčko-gas osiguranje d.d- Podružnica Tuzla nije dostavio ponudu u skladu sa članom 57. stav 1. Zakona o javnim nabavkama (“Službeni glasnik BiH”, broj 39/14) i članom 8. (Priprema ponude) stav 2. Uputstva za pripremu modela tenderske dokumentacije i ponuda („Službeni glasnik BiH”, broj: 90/14), odnosno nije dostavio ponudu na način kako je to traženo u Tenderskoj dokumentaciji.

Usljed utvrđenog činjeničnog stanja, ponuda ponudača Brčko-gas osiguranje d.d- Podružnica Tuzla odbačena je shodno članu 68. stav 1. Zakona o javnim nabavkama, jer je ponudač dostavio nepotpune dokaze i članu 68. stav 4. tačka i) Zakona o javnim nabavkama, jer ista nije potpuna i ne ispunjava zahtjeve iz tenderske dokumentacije.

Ponuda ponuđača Adriatic osiguranje d.d. podružnica Zenica neprihvatljiva je iz slijedećih razloga:

Tačkom 4. PRIPREMA PONUDA, podtačka 4.3., Tenderske dokumentacije propisano je:

**“4.3. Ponuda se čvrsto uvezuje na način da se onemogući naknadno vadenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vadenje ili umetanje listova. (Pod čvrstim uvezom se podrazumjeva da ponude moraju biti uvezane/ukoričene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i uz to osigurana jemstvenikom čija su oba kraja na prvoj ili posljednjoj stranici pričvršćena utisnutim žigom ili naljepnicom ovjerenom pečatom dobavljača a u svrhu izbjegavanja manipulisanja stranicama ponude) Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponudač obilježava nazivom i navodi u sadržaju ponude kao dio ponude.”**

Članom 8. (Priprema ponude) stav 2. Uputstva za pripremu modela tenderske dokumentacije i ponuda („Službeni glasnik BiH“, broj: 90/14), propisano je da se ponuda čvrsto uvezuje na način da se onemogući naknadno vadenje ili umetanje listova.

Dostavljena ponuda ponuđača Adriatic osiguranje d.d. podružnica Zenica, uvezana je u fasciklu sa metalnim mehanizmom i uz to osigurana jemstvenikom čija su oba kraja na prvoj stranici pričvršćena voskom, ali **bez utisnutog žiga ili naljepnice ovjerene pečatom dobavljača, a u svrhu izbjegavanja manipulisanja stranicama ponude**, te stoga ista **nije uvezana na način kako je propisano Tenderskom dokumentacijom**.

Slijedom svega naprijed navedenog, **ocijenjeno je da ponudu valja odbaciti jer ne ispunjava zahtjeve iz tenderske dokumentacije**.

Članom 57. (Priprema ponude) stav 1. Zakona o javnim nabavkama („Službeni glasnik BiH“, broj 39/14), propisano je:

„(1) U postupku javne nabavke kandidat/ponudač pridržava se zahtjeva i uslova iz tenderske dokumentacije.”

Imajući u vidu navedeno, utvrđeno je da ponudač Adriatic osiguranje d.d. podružnica Zenica nije dostavio ponudu u skladu sa članom 57. stav 1. Zakona o javnim nabavkama („Službeni glasnik BiH“, broj 39/14) i članom 8. (Priprema ponude) stav 2. Uputstva za pripremu modela tenderske dokumentacije i ponuda („Službeni glasnik BiH“, broj: 90/14), odnosno nije dostavio ponudu na način kako je to traženo u Tenderskoj dokumentaciji.

Usljed utvrđenog činjeničnog stanja, ponuda ponuđača Adriatic osiguranje d.d. podružnica Zenica odbačena je shodno članu 68. stav 4. tačka i) Zakona o javnim nabavkama jer ista ne ispunjava zahtjeve iz tenderske dokumentacije.

Prihvatljivom je ocijenjena ponuda ponuđača Sarajevo osiguranje d.d. Sarajevo.

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku usluga osiguranja vozila JU „Dom zdravlja“ Zavidovići (automobilska odgovornost), utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine), jer je u članu 3. istog Pravilnika propisano: “U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.”

Kako ugovorni organ nije imao mogućnost da zakaže planiranu e-aukciju iz razloga što je primio samo jednu prihvatljivu ponudu, to će okončati ovaj postupak nabavke u skladu sa članom 69. Zakona o javnim nabavkama, odnosno dodjelom ugovora ponudaču koji je dostavio prihvatljivu ponudu u skladu sa zahtjevima iz tenderske dokumentacije.

Prihvatljiva ponuda ponudača Sarajevo osiguranje d.d. Sarajevo iznosila je 7.405.70 KM bez PDV-a.

Cijeneći pravilnost provedenog konkurentskog zahtjeva za dostavu ponuda za nabavku usluga osiguranja vozila JU „Dom zdravlja“ Zavidovići (automobilska odgovornost) za period od 12 mjeseca, te datu preporuku od strane Komisije za javne nabavke, odlučeno je kao u dispozitivu ove Odluke.

**PRAVNA POUKA:** Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

**DOSTAVLJENO:**

1. Sarajevo osiguranje d.d. Sarajevo
2. Brčko-gas osiguranje d.d. Podružnica Tuzla
3. Adriatic osiguranje d.d. Podružnica Zenica
4. a/a



PREDSJEDNIK

OG ODBORA:

Šahin, dipl. pravnik